

佛說大乘金剛經論

佛尼牟迦釋師本無南



一切佛經。及闡揚佛法諸書。無不令人趨吉避凶。改過遷善。明三世之因果。識本具之佛性。出生死之苦海。生極樂之蓮邦。讀者必須生感恩心。作難遭想。淨手潔案。主敬存誠。如面佛天。如臨師保。則無邊利益。自可親得。若肆無忌憚。任意褻瀆。及固執管見。妄生毀謗。則罪過彌天。苦報無盡矣。奉勸閱者。當遠罪求益。離苦得樂也。

普為出資讀誦受持者回向偈曰

願以此功德
增長諸福慧
所有刀兵劫
悉皆盡消除
讀誦受持人
現眷咸安樂
風雨常調順
法界諸含識

消除宿現業
圓成勝善根
及與饑饉等
人各習禮讓
出資敬印者
先亡獲超昇
人民悉康寧
同證無上道

普爲出資及讀誦受持
輾轉流通回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
讀誦受持人 輾轉流通者
現眷咸安樂 先亡獲超升
風雨常調順 人民悉康寧
法界諸含識 同證無上道

諸佛菩薩誕辰及紀念日

彌勒菩薩聖誕	正月初一日	觀音菩薩成道	六月十九日
定光佛聖誕	正月初六日	大勢至菩薩聖誕	七月十三日
帝釋天尊聖誕	正月初九日	佛歡喜日	七月十五日
釋迦牟尼佛出家	二月初八日	普庵祖師聖誕	七月廿一日
釋迦牟尼佛涅槃	二月十五日	龍樹菩薩聖誕	七月廿四日
觀音菩薩聖誕	二月十九日	地藏王菩薩聖誕	七月三十日
普賢菩薩聖誕	二月廿一日	燃燈古佛聖誕	八月廿二日
準提菩薩聖誕	三月十六日	觀音菩薩出家	九月十九日
文殊菩薩聖誕	四月初四日	藥師佛聖誕	九月三十日
釋迦牟尼佛聖誕	四月初八日	達摩祖師聖誕	十月初五日
藥王菩薩聖誕	四月廿八日	阿彌陀佛聖誕	十一月十七日
伽藍菩薩聖誕	五月十三日	釋迦牟尼佛成道	十二月初八日
韋馱菩薩聖誕	六月初三日	華嚴菩薩聖誕	十二月廿九日

印造佛經佛像之十大利益

- 一 從前所作種種罪過。輕者立即消滅，重者亦得轉輕。
- 二 常得吉神擁護，一切瘟疫、水火、寇盜、刀兵、牢獄之災，悉皆不受。
- 三 夙生怨對，咸蒙法益，而得解脫，永免尋仇報復之苦。
- 四 夜叉惡鬼，不能侵犯，毒蛇蝕虎，不能為害。
- 五 心得安慰，日無險事，夜無惡夢，顏色光澤，氣力充盛，所作吉利。
- 六 至心奉法，雖無希求，自然衣食豐足，家庭和睦，福祿綿長。
- 七 所言所行，人天歡喜。任到何方，常為多衆傾誠愛戴，恭敬禮拜。
- 八 愚者轉智，病者轉健。困者轉亨，為婦女者，報謝之日，捷轉男身。
- 九 永離惡道，受生善道。相貌端正，天資超越，福祿殊勝。
- 十 能為一切衆生，種植善根。以衆生心，作大福田，獲無量勝果。所生之處，常得見佛聞法。直至三慧宏開，六通親證，速得成佛。

原序一

式閱斯金剛經論○蓋昔賢哲○綜括佛之所闡精
微實諦○以破智愚之習染○而導頓漸之機宜○
其理暢而義賅○用著且易○造詣聖學者○乃備
於斯焉○惟是本世所罕覯○今幸篤信志道者○
恭錄斯論○爰付剞劂○印刷若干本○公之同志
○窮研旨要○融會心源○猶登彼岸之寶筏○刮
羣盲之金鏡○所願善信之士○輾轉敬送○慎毋
置於不潔之處○致干褻瀆之咎○則不特利生於
靡盡○抑亦獲福於無窮也○

原序 二

久聞金剛經論○理旨平易○甚有裨於人心○但
未能親習其詞○忽有雲林重慧○携至粵省○因
傳於本處曹剛禪師○予適過訪○偶於案頭一覽
○恍若有得○即持歸○日讀成誦○有如日之光
○月之明○竊欲公於世之善男信女○共明其說
○願力敬刊千卷○流傳廣布○非敢云獲福○聊
以爲懺半生之劫孽○指背病苦云爾○
時在嘉慶四年歲次己未孟冬吉旦無名氏謹跋

佛說大乘金剛經論

如是我聞○一時佛在靈鷲山中清淨臺上○諸菩薩聲聞天龍八部○相與圍遶○聽佛說法○時有無量初發心比丘、比丘尼、優婆塞、優婆夷、各作是念○佛說大法○我意不通○願佛方便○淺處開示○令我等輩○悟佛知見○皆得道果○若欲請問○不得近前○

爾時文殊師利菩薩○知諸四衆心之所念○即作方便○從座而起○前白佛言○世尊大慈○願設方便○開示初機○直指衆生○見性成佛○及爲

末世初進佛門求道衆生○得正知見○不遭邪惑
○不假多功○皆得道果○

佛言○善哉善哉○文殊師利有大方便○請問如
來開示三根○及於末世初入門者○修行正路○
從爾所問○當爲爾說○時諸大衆○默然而聽○
佛告文殊師利菩薩○有陀羅尼、名金剛心○能
令衆生一見一聞○便得道果○善男子○云何名
金剛心○此心人人本有○箇箇不無○是諸衆生
自知自覺本等之心○何以故○一切善惡○皆出
自心○自心修善○令身安樂○自心造惡○令身

受苦○心是身主○身是心用○所以者何○佛由
心成○道由心學○德由心積○功由心修○福由
心作○禍由心爲○心能作天堂○心能作地獄○
心能作佛○心能作衆生○是故心正成佛○心邪
成魔○心慈是天人○心惡是羅刹○心是一切罪
福種子○若有人悟自心○把得定○作得主○不
造諸惡○常修諸善○依佛行持○立佛行願○佛
說是人○不久成佛○若有善男子○善女人○求
佛道者○不明自心○名未成佛○若人明自心○
達自性○依佛修行○決定成佛○勝如讀誦金剛

經三十萬遍○功德無比○何以故○一切諸佛○
及諸佛阿耨多羅三藐三菩提法○皆從自心流出
○無窮無盡○不壞不雜○故名金剛心○悟此心
者○名悟佛心○是故佛與衆生心性一般○只因
修與不修○信與不信○所以有成佛有衆生也○
文殊師利菩薩問佛○云何名金剛經○
世尊曰○金剛喻自性○經者喻自心○若人明自
心○見自性○是人自己身中有經○六根門頭○
常放光明○照天照地○具足恆沙功德○出生四
果、四向、十聖、三賢、乃至如來三十二相○

八十種好。○一切功德。○皆從自己心地修成。○不從外得。○何以故。○若是明心見性之人。○常聞自己心佛。○時時說法。○時時度衆生。○時時現神通。○時時作佛事。○得此理者。○名持金剛經。○名得金剛不壞身也。○

文殊菩薩問佛。○金剛經中。○佛常讚歎受持四句偈等。○爲人演說。○所得福德。○勝將七寶堆滿東西南北四維上下虛空布施之福。○又勝初日分、中日分、後日分、乃至百千萬劫以恆河沙等身命布施之福。○未審云何是四句偈。○

佛言○一切衆生○皆有佛性○本來不生○本來
不滅○只因迷悟而致升沈○何以故○衆生長迷
不覺○所以永劫墮落○諸佛常覺不迷○所以永
成佛道○若有男女求佛道者○進道功程○權分
四級○號四句偈○一曰空身○二曰空心○三曰
空性○四曰空法○云何空身○身是父母所生○
亦具父母息氣○九孔常流○種種不淨○四大假
合○終須敗壞○有智男女○知身是幻○未死之
前○當死一般○借此幻身○學佛修行○名悟身
空○一句偈也○復觀自心○非生非滅○最聖最

靈○遇境似有○境滅還無○今悟真心常覺不昧
○不隨妄想流轉○但依真性主行○名悟心空○
二句偈也○復觀自性○寂然不動○感而遂通○
變化無窮○威靈莫測○明明了了○自覺自知○
靈靈寂寂○無爲常爲○名悟性空○三句偈也○
復觀如來所說經法○皆是方便引導法門○如水
洗塵○似病與藥○今證心空法了○病退藥除○
名悟法空○四句偈也○此四句義○乃是超凡入
聖進道門路○三世如來○從此成佛○十方菩薩
○依此進功○所以者何○悟得初句○依義修行

○便證預流、須陀洹果○悟二句意依義修行○
便證一來、斯陀含果○悟三句意依義修行○便
證不來、阿那含果○悟四句意依義修行○便證
無生、阿羅漢果○此四句大開諸佛道門○受持
讀誦○爲人演說○能令聞者悟佛知見○成佛無
疑○是故得福○勝前七寶身命布施○所得福德
○百千億分不及其一○佛告文殊師利○前佛後
佛一體○皆在各人自己明心見性○修而成之○
然則佛性人人本有○不投佛修○終不成佛○何
以故○爲無佛功○有求佛者○一用齋戒、爲佛